



## AD LECTOREM.

**T**mentem nostram liquidiūs perspiceret, Lector Benevole, in libri fronte expressam emblemata, ipsis illam subjecimus oculis. Si quem tamen & hic adumbrata figuris veritas *Oedipum* postulet : *Dispensatorium Pharmaceuticum Viennense* aspicis, quod *Ratio*, atque *Experientia*, unica ad inveniendas, perficiendāsque artes adminicula, Magnæ bonarum artium Parenti, & Altrici *Augustæ Vindobonæ*, & in hac orbi, cumprimis *Austriaco*, porrigunt : qui enim ignoret orbis noster ? quod Vienna didicerit, probaverit, sit amplexa. Quo quidem in opere publicam in lucem emitendo, si consilium nostrum nōsse desideras, tuam unicè communēmque populorum utilitatem, atque incolumitatem præ oculis habuimus. Cùm enim in rebus, etiam saluberrimis, nimia opinionum, praxeosque varietas facile in errorem, aut errandi periculum inducere soleat, in *Pharmaceutica* autem (in qua, non secūs ac in bello peccare plerumque bis non licet) in gravissimam eorum, quo-  
rum

rum de salute , ac vita agitur , ja<sup>c</sup>turam error abri-  
 piat , publicæ interesse salutis existimavimus , in cer-  
 tum , stabilemque ordinem , quidquid aut Musæa ,  
 nostra elucubrant , aut distillant foculi , aut elabo-  
 rant officinæ , redigere , certamque statuere regulam ,  
 ad quam se omnis parandorum ægris medicaminum  
 ratio conformet . Nempè , quod rebus omnibus vir-  
 tutem , cumprimis atque salubritatem præbet , ordo  
 est , certaque quædam agendi regula . Si promiscu-  
 am sibi actionem elementa vendicent , & calorem ter-  
 ra , humorem ignis , siccitatem aër infundere corpo-  
 ribus gestiant , orbem perdent , quem hodie servato  
 inter se naturæ ordine componunt . Astra ipsa (qui-  
 bus quid tum ad conservationem orbis , tum cumpri-  
 mis humanorum salutem corporum efficacius ? ) an-  
 non in stabili illa stati cursu , recursusque lege , atque  
 influxuum contemperatione , sublunarium rerum in-  
 columitati , salutique consulunt ? Id ut innueremus ,  
*Zodiacum* in emblemate pinximus , speabilem ma-  
 xime cælestium motuum limitem , atque regulam .  
 Nunquam aut Eclipticam Phæbus , aut Zodiaci fi-  
 nes Planetæ reliqui egrediuntur , quod iis hos termi-  
 nos , quo naturæ consulant , rerum Author descrip-  
 serit : ita & limite suo stabilis quædam lex , atque  
 ordo , illustria quamvis , circumscribat ingenia , quod  
 certiore tramite in salutem ægrotantium conspi-  
 rent .

Quid ? quod hoc in consilio ipsius naturæ Au-  
 thoris maximi exemplum æmulemur , tribus ille di-  
 gitis ( quos pondus , mensuram , numerum , Sapien-  
 tes interpretantur ) suspendit orbem ; id est : regit ,  
 ac temperat . Tolle pondus rebus , commixta intra  
 se fluitabit moles , priscumque in chaos defluet ;

tolle

tolle mensuram, suis exerrantia spatiis elementa in alternum collidentur exitium; tolle numerum, dum hic redundat, illic deficit, orbis solutâ demum compage fatisfet. Eadem porrò hæc, quemadmodum Pharmaceuticalæ nostræ prima veluti rudimenta, ita basis, atquè fundamenta sunt, quibus salvis, incolmis ipsa mortalium consulat incolmitati. Hæc ut perenni stent immota lege, Dispensatoriō hōc nostrō adnitimur; quō medicaminum pondus, mensuram, numerum, exactō ad unguem calculō statuimus, æstimationem etiam, pretiūmque æquissimum; nē quid ad stabilem, ratūmque ordinem desideretur, definimus. Qua in re vel illud ex longiore meditandi spatio compendii cœpimus, quod, quæ in editis ante nos aliorum per Germaniam, Galliam, Angliam, hujusc generis voluminibus eminent, assensu nostro comprobare, quæ minus aut climati nostro, aut tempe riei hominum, aut experientiæ convenire novimus, emendatoria reddere licuit. Hoc igitur opus, tuis unicè commodis sacrum, tibi in manus *Ratio*, atque *Experientia* consignant.

In quo, si suo comprobantem assensu suffragato rem habent *Aesculapium*, quem pronâ cervice annuentem aspicis; si dextero fruuntur *Mercuriō*, qui *Vir gam*, quâ dudum defunctos fatis suis manes in vitam, ac corpora revocare vates memorant, in artis præ conium, atque venerationem inclinat; si benignos suo ex *Zodiaco* influxus spondent sidera; si profusas largè opes *Triplici è regno suo Natura* accommodat; si denique queis ancillari naturam arti cogas, instrumenta, atque *apparatum artis Genii* suppeditant; id unum supereft, ut tu quoque, Lector benevole, conatui huic nostro, quâ bonas omnes artes complec teris,

teris , faveas. Vale , ac utere. Et , si ejusdem nobiscum artis consors , & cultor es , magnum inde operæ tuæ compendium , magnam successibus , fortunisque tuis accessionem experieris ; Si amicus & fautor , quem ad pharmacorum usum curandæ valetudinis studium , aut necessitas impellat , conatum hunc nostrum saluti , & incolumitati tuæ copiosè proficuum persentifces.

